



Ireo Karazana Zavamaniry Tena Fampiasa Amin'Ny Toerana Iray

Fidy Ratovoson, Henry Jaona, Justin Rabemananjara,
Juliette Marovavy, Clara Antonia, Marie Jeanne,
Clara Aimé Raholiarivelo, Emilien Razaniry, Ignace
Robena, Liva, Rogin, Delphin Razanajatovo, Esisy
Fanomezantsoa, Justin Rabezanahary, Velomary, Nirina

Fampidirana

Nandritra ny herinandron'ny 21 martsa 2005 dia nototo-saina tao amin'ny KNARP (Karoka Nasionaly Ampiharana ny Raki-Panafody) Antananarivo ny atrika'asa fianarana ny fifandraisan'ny koltora, ny olona, ny zavamaniry ary ny tontolo iainana. Ny atrik'asa dia nokarakarain'ny Missouri Botanical Garden (MBG) sy ny KNARP izay misolotena ny "International Cooperative Biodiversity Group" ao anatin'ny tetik'asa hikarohana fanafody vaovao eto Madagasikara.

Nizara roa moa ny fomba nitondrana an'ity atrik'asa ity ka ny tapany voalohany dia fampianarana an-dakilasy izay natao tao Antananarivo ary ny tapany faharoa fampiharana eny ambanivohitra ka tamin'ireo tanàna manodidina ny alan'Analalava ao anatin'ny kaominin'ny Mahavelona (**Foulpointe**) no voasafidy nanaovana izany.

Nisy lohahevitra maromaro nozaraina tamin'ny mpandray anjara hanaovana ny fampiharana. Ny fanadihadiana izay nataoko dia mikasika **Ny zavamaniry tena ilain'ny olona amin'ny fiainany andavanandro amin'ny toerana iray**. Ity lahatsoratra ity izany dia mandravona ny valin'ny fanadihadiana natao tao Morarano mikasika an'io lohahevitra io.

I Morarano dia tanàna eo amin'ny 5 km atsimo andrefan'ny alan'Analalava (saritany 1), sahabo ho 15 km ao atsimo andrefan'i Mahavelona (renivohitry ny kaominina), ao anatin'ny faritanin'ny Toamasina. Ny maridrefy ara-jeografika misy azy dia ny latitida 17° 43' 54" S (Atsimo) sy ny longitida 49° 25' 38" E (Atsinana). Ny haavony raha oharina amin'ny ranomasina dia 70 m eo ho eo. Avy amin'ny foko Betsimisaraka ny ankamaroan'ny mponina ao amin'ity tanàna ity ary mahatratra hatramin'ny telonjato (300) ny isany. Saika mpamboly avokoa izy ireo.

Tanjona

Ny tanjon'ny fanadihadiana izay natao dia mamantatra ny zavamaniry izay tena akaiky ny olona ao an-tanàna, tarafana avy amin'ny fampiasany azy an-davanandro.

Fomba Nanaovana Ny Fanadihadiana

Talohan'ny fanadihadiana dia nisy ny fihaonana tamin'ny tangalamena sy ny olom-boafidy tompon'andraikitra ao amin'ny tanàna, niaraka tamin'ny solotenam-pokonolona. Nohazavaina tamin'izany ny anton-dia ary nanotiana ny hevitr'izy ireo ny amin'ny fanadihadiana izay hatao. Taorian'ny resaka nifanaovana moa dia nanaiky izy ireo fa tsy misy ny olona amin'ny fiarahana miasa aminay.


Talohan'ny nanombohana ny asa koa dia napetraka ny tsangan-kevitra hoe rehefa hanotiana ny olona iray momba ny fiainany sy ny zavatra hampiasainy dia izay mandalo matetika eo amin'ny masony sy/na nampiasaina vao haingana no tadidiny. Noho izany dia fanadihadiana mandeha tsirairay tamin'ny olona maromaro no na-

Correspondence

Fidy Ratovoson, Missouri Botanical Garden, BP 3391, Antananarivo 101, MADAGASIKARA.
fidy.ratovoson@mobot-mg.org

Henry Jaona, Justin Rabemananjara, Juliette Marovavy, Clara Antonia, Marie Jeanne, Clara Aimé Raholiarivelo, Emilien Razaniry, Ignace Robena, Liva, Rogin, Delphin Razanajatovo, Esisy Fanomezantsoa, Justin Rabezanahary, Velomary, Nirina, Morarano, Fokontany Morarano, Kaominina Mahavelona, Toamasina, MADAGASIKARA.

Ethnobotany Research & Applications 3:329-335 (2005)



Saritany 1. Analalava.

tao. Nohezahana ho tafiditra tao ny fananahana samihafa (lahy, vavy) ary koa ny sokajin-taona nisy (zaza, tanora, lehibe). Ireto ny fanontaniana napetraka tamin'izany:

1. Afaka miteny ny zavamaniry fampiasanao amin'ny fiainana andavanandro ve ianao?
2. Inona no fampiasana azy?
3. Aiza ianao no maka azy?
4. Toy ny inona ny habetsany ilainao ary isaky ny inona ianao no maka azy?
5. Betsaka ve sa vitsy io zavamaniry io?
6. Raha vitsy dia inona no mety hasolo azy raha sanatria ka tsy hita intsony izy?

Vokatra

Olona dimy ambifolo (15) no nanaovana fanadihadiana (Tabilao 1). Fito amin'izy ireo no lehilahy ary 8 vehivavy. Latsaky ny 15 taona ny telo tamin'izy ireo, eo anelanelan'ny 15 – 30 taona ny 6 ary mihoatra ny 30 taona ny 5. Samy mponina ao Morarano daholo izy ireo sady



Tabilao 2. Ireo hazo fampiasa araka ny sokajy hampiasana azy.

	Hanaovana trano	Atao sakafo	Hanaovana kilalao	Kitay	Hafa (haingo, fanafody, hahazoana vola)
Akondro		X			
Ampalibe	X	X			
Andrarezina	X				
Atafana					X
Belle de jour					X
Bonara	X				
Canelle					X
Dindemo	X				
Fary		X			
Fotatra	X		X		
Gavo	X			X	
Gavosina					X
<i>Grevillia</i>	X		X		
Harongana	X			X	X
Hasina					X
Hazoambo					X
Kafe					X
Kininina	X	X	X	X	
Labiza					X
Lingosa				X	
<i>Litchi</i>		X			
Makaranana				X	
Mananasy		X			
Manga		X			
Mangahazo		X			
Mongy				X	
Monkaranana	X				
Ovy		X			
Palmier			X		
Ranominty	X			X	
Ravinala	X		X		
Saonjo		X			
Soanambo		X			
Tendrofono	X				
Tsomanga		X			
Vahizato	X				
Varo	X				X
Vary		X			
Voangy Ala		X			
Voangy Antanàna		X			

	Hanaovana trano	Atao sakafo	Hanaovana kilalao	Kitay	Hafa (haingo, fanafody, hahazoana vola)
Voanio		X			X
Voapaka	X				
Volo	X		X		
Zatsy		X			
Zavoka		X			

lehibe tao, afa-tsy vehivavy iray 34 taona izay vao 9 taona no nipetraka tao.

Nisy karazany dimapolo (50) ny zavamaniry fantatra taorian'ny fanadihadiana fa tena hampiasain'ny olona amin'ny fiainany Andavanandro. Ireto avy izy ireo manaraka ny habetsaky ny olona nisafidy azy : Ampalibe, Kininina, Mangahazo, Vary, Akondro, Fary, Litchi, Ranominty, Harongana, Ravinala, Voanio, Gavo, Voangy Antanàna, Fotatra, Grevillia, Hasina, Hazoambo, Kafe, Sakoana, Soanambo, Tsomanga, Varo, Volo, Zavoka, Andrarezi-na, Antsotry, Apemba, Atafana, Belle de jour, Bonara, Canelle, Dindemo, Gavosina, Labiza, Legioma, Lingosa, Monkaranana, Mananasy, Manga, Mongy, Ovy, Palmier,


Saonjo, Tendrofono, Vahizato, Voangy Ala, Voangy Dia, Voapaka, Zatsy.

Tabilao 1. Famitinana ireo olona nanaovana fanadihadiana.

Taona	Lehilahy	Vehivavy	Totaliny
Latasaky ny 15 taona	2	1	3
15 – 30 taona	5	2	7
Mihoatra ny 30 taona	2	3	5
Totaliny	9	6	15

Ny tabilao faha-2 dia mampiseho ny fizarazaran' ireo zavamaniry araka ny fomba fampiasana azy. Fito ambinifolo





Kisary 1. Habetsaky ny zavamaniry fampiasan'ny vehivavy arakaraky ny fomba hampiasany azy.


(17) karazana na 34 % dia fanaovana trano, sivy ambifolo (19) karazana na 38 % fanaovana sakafo, 7 karazana na 14 % fanaovana kilalao, 6 karazana na 12 % fanaovana kitay, ary iraika ambifolo (11) karazana na 22 % fanaovan-javatra hafa toy ny fanafody, haingo, fefy sns...

Ireto avy ireo hazo tena betsaka mpampiasa (i.e. arakaraky ny habetsaky ny olona nisafidy azy izay ao anaty fonosana): Ampalibe (8), Kininina (8), Mangahazo (7), Vary (7), Akondro (6), Fary (6), Litchi (5), Ranominty (5), Harongana (5), Ravinala (4), Voanio (4), Voangy Antanàna (4), Fotatra (4), *Grevillia* (4), Hasina (4), Hazoambo (4), Kafe (3), Sakoana (3), Soanambo (3), Tsomanga (2), Varo (2), Volo (2), Zavoka (olona 2).

Dimy ambiroapolo (25) ny karazan-javamaniry nosafidian'ny vehivavy. Ny efitra ambiroapolo (24) na 96% amin'ireo dia ilainy manodidina ny tokatrano (hanaovana sakafo, atao kitay, hanamboarana trano) (Kisary 1). Iraika amby efapolo (41) ny karazan-javamaniry nosafidian'ny lehilahy (Kisary 2). Hita fa saika mahasahana ny akolafin-javatra rehetra ny lehilahy. Voaporofy ilay fiteny Malagasy hoe ny lehilahy ny lohan'ny fianakaviana.


Fanamarihana: Taorian'ny tatitra natao tamin'ny vahoaka no nanamarihan'izy ireo fa maka hazo any Analalava ihany izy ireo rehefa mila hazo matoy hanaovana trano saingy mila maka fahazahoan-dalana manokana avy any amin'i lehiben'ny ala izy ireo amin'izany. Noho io antony farany io dia malaina ny olona mandeha any.

Ny dimapolo isan-jaton'ny zavamaniry rehetra (50%) hampiasain'ny olona dia manimba tanteraka azy, ary ny dimapolo isan-jato (50%) hafa dia ampahany ihany no alainy ka tsy manimba azy ireo. Mikasika ny toerana hangalan'ny olona ny zavamaniry hampiasainy indray dia mizara telo mazava tsara (Kisary 3). Voalohany, ireo alaina mivantana eny an-tsaha (anaty savoka sy ala). Mahatratra hatrany amin'ny 58% izany. Faharoa, azo avy amin'ny fambolena eny an-tsaha (lavitry ny tanàna) izay midadasika. Ny hazo fanaovan-trano (kininina), ny vary



Kisary 2. Habetsaky ny zavamaniry fampiasan'ny lehilahy arakaraky ny fomba hampiasany azy.

ary ny mangahazo no betsaka amin'izany. Mahatratra hatrany amin'ny 22% io sokajy io. Farany dia tsy lavitra ny toerana honenany izany hoe manodidina ny trano. Tafiditra ao anatin'izany ny karazam-boankazo, legioma ary ny hazo hanaovana haingo.



Kisary 3. Fizaran'ny toerana hangalan'ny olona ireo Zavamaniry.

Famaranana

Taorian'ny fanadihadiana dia misy tsoan-kevitra vitsivitsy azo ambara ireto :

1. Ny fiainana andavan'andro no tena hifontoran'ny olona. Noho izany, vitsy (olona 2) ny olona nieritritra zavatra mba hahazoana vola.
2. Tsy misy hifandraisany firy loatra amin'ny alan'Analalava ny asa andavan'andron'ny mponina ao Morarano. Ny hazo hita amin'ny savoka sy ny hazo hambolena no tena betsaka hampiasaina.
3. Anisan'ny tsy hita tao anatin'ny fanadihadiana ny fampiasana ny zavamaniry ho fanafody. Tsy fantatra tato anatin'ity fanadihadiana ity ny antony nahatonga izay ary mendrika hanaovana fanadihadiana manokana.

4. Tsy halaim-panahy hampiasa zavatra tsy fahita firy na saro-tadiavina ny olona. Ny totolo manodinina azy sy izay akaiky azy no tena hampiasainy.

Farany, noho ny fahateren'ny fotoana dia voafetra ihany ny isan'ny olona afaka nanaovana fanadihadiana. Vokatr'izay dia maro ny fanotianana manitikitika mety tsy ho voavalin'ity fanadihadiana ity kanefa mety hilaina amin'ny fomba ho fiarovana ny alan'Analalava. Ohatra azo tsongaina amin'izany ny hoe misy "fiatraikany amin'ny fahasimban'ny alan'Analalava ve ny fahalaviran'ny tanàna iray ?" Ohatra hafa ny fanotianana hoe "misy fivoarany ve ny fampiasana ny zavamaniry arakaraky ny sokajin-taona sy ny fananahana ?" Inoana fa mbola maro ny fikarohana hataon'ny tompon'andraikitra mikasika izay fifandraisan'ny koltora, ny olona, ny zavamaniry ary ny totolo iainana izay.

Fisaorana

Isaorana manokana ny mponina tao amin'ny Fonkotany Morarano, Foulpointe tamin'ny fandraisana sy ny fiarahana-miasa nandritra ny andro nanaovana ny fanadihadiana. Manolotra fisaorana betsaka ho an'Andriamatoa Will McClatchey sy Ramatoa Lisa Gollin tamin'ny fampianaran'izy ireo momba ny fifandraisan'ny koltora, ny olona, ny zavamaniry ary ny tontolo iainana. Isaorana ihany koa ny fitondram-panjakana Malagasy amin'ny alalan'ny departemantan'ny Rano sy ny Ala nanome alalana tamin'ny fanaovana ny atrik'asa. Farany, maneho fisaorana ny mpamatsy vola, dia ny National Institute of Health tamin'ny alalan'ny tetik'asa International Cooperative Biodiversity Group (ICBG) tarihin'i Pr David Kingston.

